

# TONG YULDUZI

O'zbekiston bolalari va o'smirlarining gazetasi

Gazeta 1929 yil 1 avgustdan chiqqan boshlagan

№ 13 (66346)  
2002 yil 29 mart, juma

Sotuvda erkin narxda

Shu kunlarda terrorizm va giyohvandlikning o'chog'iga aylanib qolgan Afg'onistonda tinchlik o'rnatilib, dunyoviy ishlar bilan odamlar band bo'layotgani dillarni quvontirmoqda. Bundan nafaqat kattalar, balki biz bolalar ham nihoyatda xursandmiz. Chunki, «Qo'shning tinch, sen tinch» degan naql bor, u yerdagi notinchliklar qo'shni davlatlarga ham o'z ta'sirini o'tkazmay qolmasdi.

Qariyb 22 yildan buyon urushlarni boshidan kechirib kelayotgan afg'on

## DUNYOMIZ TINCH BO'LADI



Tengdoshingiz - Yakkasaroy tumanidagi 118- maktabning 4- «A» sinf o'quvchisi Dilrabo DO'STQOBILOVA «So'lim bahor» manzarasini tasvirlabdi.

Afg'oniston-dagi tog'u toshlarning oralariga «uya» qurib olgan terrorchilar tag-tomiri bilan yo'q qilinmasa, u istagan davlatiga tahdid solishi, yurt tinchligini buzishi, begunoh odamlarning o'limiga sababchi bo'lishi tayin. Chunki terrorizmning Vatani, millati bo'lmaydi. Shuning uchun ham unga qarshi ma'lum bir davlat emas, barcha mamlakatlar kurashishlari lozim. Shundagina nafaqat qo'shnimiz, balki butun dunyoda tinchlik bo'ladi.

Ahror AHMEDOV,  
S. H. Sirojiddinov  
nomli akademik  
litsey  
o'quvchisi.

### Prezident asarlarini o'rganamiz

(Davomi. Boshi o'tgan sonlarda)

### MILLIY ISTIQLOL G'OYASI: ASOSIY TUSHUNCHA VA TAMOYILLAR

Toki dunyoda taraqqiyotga intilish, bunyodkorlik hissi bor ekan, jamiyatda ilg'or g'oyalarni tug'ilaveradi. Buzg'unchi g'oyalarning vujudga kelishiga esa vayronkor intilishlar sabab bo'ladi. Shunday ekan, ularga qarshi kurashga tayyor turish, ya'ni doimo hushyor va ogoh bo'lib yashamoq hayotning asosiy zarurati bo'lib qolaveradi.

### 2. Tarixiy shakllari va ko'rinishlari

Insoniyat tarixi turli g'oyalarning ezgulik va yovuzlik, ozodlik va istibdod, ma'rifat va jaholatga xizmat qilgan mafkuralar shaklida namoyon bo'lganidan dalolat beradi. Ularning afsona va rivoyatlar vositasida ifoda etilgan mifologik, ilohiy qadriyatlar majmuasi bo'lgan diniy, olamga ilmiy yondashuv asosida vujudga kelgan dunyoviy ko'rinishlari mavjud.

Ibtidoiy hayot davrida mifologiyaga asoslangan diniy-ilohiy qarashlar asosidagi totemizm, animizm, fetishizm kabi g'oyaviy tizimlar — mafkura shakllari bo'lgan. Taraqqiyotning keyingi bosqichlarida milliy asosdagi hinduizm, iudaizm, konfutsiylik singari diniy mafkuralar shakllangan. Yaponlar esa o'zlarining milliy dini — sintoizmni yaratgan.

Rim imperiyasi shakllangan dastlabki davrda xristianlik dini asta-sekin uning mafkurasiga aylandi.

Olamning vujudga kelishi, mavjudlik qonuniyatlari, uning asosini nima tashkil etgani kabi masalalarni falsafiy talqin etish natijasida monizm, dualizm, plyuralizm, idealizm va materializm singari oqimlar vujudga keldi.

**Monizm** — olamning asosi bitta deya ta'lim beruvchi yo'nalish.

**Dualizm** — olamning ibtidosi ham ruhiy-ilohiy, ham moddiy asosga ega ekanini e'tirof etuvchi oqim.

**Plyuralizm** — olamning asosida ko'p narsalar yotishi haqidagi g'oyalarni ilgari suruvchi ta'limot.

**Idealizm** — olam va odamning yaralishi, borliqning yashashi va rivojlanish xususiyatlari, borlik hamda yo'qlik masalalarida ruhiy va ilohiylik tamoyillarini ustuvor deb bilish, mutlaqlashtirishdir.

**Materializm** — aynan ana shu masalalarda modda (materiya) va uning xossalari ustuvor deb bilish, mutlaqlashtirishdir. (Davomi bor).

Oqayotgan suvni orqaga qaytarib bo'lmaganidek, o'tayotgan vaqtni ham ortga burib bo'lmay ekan. Yoshimiz o'tgan sayin, yuqori sinfga chiqqan sayin biz sinfdoshlar o'zaro jipslashib, ahil bo'lib borayapmiz. Bir-birimizdan pazandalik

Yana axborotnomalardan testlar yechib, o'qishga kirishga hozirlik ko'rmoqdamiz. Quyi sinflarda urishqoq, arazchi bo'lganligimizdan uyalib qolganmiz. Axir o'sha davr ham mana o'tib ketdi-da.

## OLTIN DAVRIM

sirlarini, tikuvchilikni o'rganyapmiz. Dugonalarim Xurshida, Barno,

Sevimli dargohimizga aylanib qolgan maktab nafaqat bilim, balki mardlik, do'stlik, muhabbat degan his-tuyg'ularni o'rgatdi. O'z bilimlarining miridan sirigacha o'quvchilarga berishga o'shiqqan ustozlarimizdan esa bir umr minnatdormiz. Nasib qilsa, barchamiz oliy o'quv yurtlariga kirib, kelajakda yaxshi inson bo'lamiz. Toki ustozlarimiz bizdek o'quvchilari bo'lganidan faxrlanib



Kamola, Sharofat, Vazira, Gulmira, Kamola va boshqa qizlar bilan birgalikda uy vazifalarini tayyorlayapmiz.

yurishsin. Umida YUSUPOVA, 305-ekologiya maktabining 9- «A» sinf o'quvchisi.

## "ASSALOM NAVRO'Z, ASSALOM ONA DIYOR"

Navro'z bayrami munosabati bilan hamda maktab o'quvchilarining bahorgi ta'tillarini yanada maroqli o'tkazish maqsadida «Turkiston» san'at saroyida «Assalom Navro'z! Assalom ona diyor!» deb nomlangan bolalar konsert dasturi bo'lib o'tdi. Unda Toshkent shahar va viloyatlardagi bolalar dastalari ishtirok etdilar. Jumladan, Diyorbek Mahkamov, Dilshod Kattabekov, «Hilol» vokal dastasi, «Bulbulcha», «Yulduzcha» ashula va raqs guruhlari qatnashib, atrofdagilarga quvonch ulashishdi.

Ushbu tadbirdan maqsad, bolalar qo'shiqlarini yanada jonlantirish, ommalashtirishdir. Konsertda ishtirok etganlar orasida Shermat Yormatov rahbarligidagi «Bulbulcha» ashula va raqs guruhining a'zosi Shahnoza Rixsiyeva ham bor.

Shahnoza Chilonzor tumanidagi 200- litsey maktabining 6- «G» sinfida o'qiydi. Darsdan bo'shagan vaqtida esa «Bulbulcha»ga

qatnab, u yerda qo'shiq aytilish sirlarini o'rganib borayapti. Mana besh yildirki, Shahnoza ustози Dilbar opa Malikova va Shermat aka Yormatovdan saboq olib kelayapti.



Ko'plab tanlovlarda qatnashdi. Jumladan, yaqindagina tumanda bo'lib o'tgan «O'zbekiston Vatanim manim» ko'rik-tanlovida ishtirok etdi. Unda buvijonlar haqida qo'shiq kuylab, birinchi, sovrinli o'rinni egalladi.

Bugungi bolalar konsert dasturida ham Shahnoza shoira Umida Abduazimovaning «Buvijon» deb nomlangan she'riga bastalangan qo'shiqni aytdi.

*Buvijonim, buvijon sog' bo'ling,*

*Bizdan ham ko'ngli xursand, tog' bo'ling,*

-deya qo'shiq kuylar ekan, dunyodagi barcha buvi va buvijonlar doimo sog'-salomat bo'lib yurishlarini chin dildan xohlaydi.

Alisher ABDULLAJONOV.

## YURTIMIZDAN BAYRAMLAR ARIMASIN

Bahorda tabiat yanada o'zgacha tus oladi. Bayramlarga bayramlar ulanadi.

Barcha maktablarda bo'lgani kabi bizning maktabda ham Navro'z bayrami keng nishonlandi. Bu bayramga bizning sinf ham katta tayyorgarlik ko'rdi. Sinf rahbarimiz Muqaddas opa Qahramonova tadbirimizni qiziqarli chiqishida bosh-qosh bo'ldilar.

Biz o'quvchilar o'zimiz yozgan bahor mavzusidagi she'rlarni o'qib, mushoira o'tkazdik. G'azallardan, hikmatli so'zlardan yod oldik. Qo'shiqlar raqslarga ulandi. Xullas, Navro'z bizga olam-olam quvonch olib keldi. Yurtimizdan shunday bayramlar arimasin.

**Nargiza MUHIDDINOVA,**  
Poytaxtimizdagi 116- maktabning  
5- «A» sinf o'quvchisi.

## XATLAR TEGIRMONI



### OYIJON, XAFA BO'LMANG

Sevimli gazetamning 8 fevral sonida Qurbonoy Shoimovanning «Oyingiz sizdan xursandmi?» maqolasi bosilib chiqqan ekan. Maqola menda katta taassurot qoldirdi-da, sal oldin bo'lib o'tgan voqeani yodimga tushirdi. O'shanda oyijonim menga pul berib, harajat uchun bozorga yuborgan edilar. «Pulingga ehtiyot bo'lgin» deb rosa tayinlagan bo'lsalarda, men uncha paryo qilmagandim. «Bozordagi shuncha odamlar ichidan menikini olarmidi», deb o'ylabman. Darhaqiqat, non xarid qilish uchun cho'ntagimni qarasam, pulim yo'q. Oyim aytganlaridek, ehtiyot bo'lmaganimga pushaymon bo'ldim. O'sha kuni oyimni ranjitib qo'ydim. Endi hech qachon oyimning gaplarini ikki qilmaslikka ahd qildim.

**Bibimaryam XO'JANOVA,**  
Qoraqalpog'iston Respublikasi, Xo'jayli  
tumanidagi 57-maktab o'quvchisi.

Mavluda bilan Maktuba opa-singil. Ular juda aqli, chiroyli qizlar. Biroq, ota-onasi birin-ketin o'tib ketishdi.

Endi qizlarning tarbiyasi bilan qarindosh-urug'lar shug'ullanar, degan fikrga barcha qatori men ham bordim. Biroq, o'ylarimiz yolg'on chiqdi.



## MEHR-OQIBAT YO'QOLMABDI

Qizlarni o'z uyidan amakisi haydab chiqardi. To'g'rirog'i, Mehribonlik uyiga jo'natib yuborishdi.

Mehribonlik uyining bolalari yana ikkitaga ko'paydi. Nega endi qarindoshlari qizlarni o'z qaramog'iga olmadiykin, degan fikr meni sira tinch qo'ymaydi.

Shunda yana o'yimga o'y qo'shiladi. Oramizdan mehr-oqibat ketmasin. Insonlar bir-biriga mehrlilik bo'lishsin. Toki Mehribonlik uyining bolalari bekorga ko'paymasin. Biz bolalar shuni istaymiz.

**Nigora ESHIMOVA,**  
Sobir Rahimov tumanidagi 29- maktabning  
7- «V» sinf o'quvchisi.

## QORAQALPOQ ELIDAN SALOM

Aziz tengdoshlarim! Men Qoraqalpoq elining farzandiman. To'rtko'l tumanidagi Shuraxon shirkat xo'jaligidagi 17-maktabning 8- «B» sinfida tahsil olaman. Maktabimiz, xususan, sinfimiz o'quvchilarining hayoti, qiziqish va intilishlari, sevimli mashg'ulotlari haqida yozmoqchi edim. Chunki maqtansa arzigulik ishlarimiz talaygina. Maktabda puxta bilim olishimiz, to'garaklarda hunar o'rganib, til o'rganishimiz uchun barcha sharoitlar muhayyo qilingan. Buning uchun maktabimiz direktori Zamira opa Turametova hamda direktor o'rinbosari Gulnora opa Jumaniyozovalardan behad minnatdormiz. Sinfimiz o'quvchilari juda mehnatkash, tirishqoq bolalar. Mehnatdan cho'chimaymiz. Obodonlashtirish oyligida ham sinf rahbarimiz Ro'za opa Nazarova boshchiligidagi hasharga chiqdik. Maktabimiz atrofini tozaladik, mevali daraxt hamda gul ko'chatlari ekdik.

Mahallamizdagi yordamga muhtoj qariyalarning xolidan xabar olib turamiz, uy yumushlarida ko'maklashamiz. Qizlarimizning qo'llari gul. Xalqimizning milliy liboslarini tikishni bilishadi. Darsdan bo'sh vaqtlarida ota-onalariga ko'maklashishadi. O'g'il bolalarimiz esa dala yumushlarida kattalarga ko'makchi bo'lishyapti. Mo'tabar Shavaddinova ismli sinfdoshimizning esa she'riyatga ixlosi baland. Sevimli shoirimiz Narimbet Otambetovning qoraqalpoq tilidagi she'rlarini o'zbek tiliga tarjima qilgan. Ulardan birini e'tiboringizga havola qilmoqchiman:

### O'ZBEKISTON VATANIM MENING

Dunyo xalqi ulug' yurt deb tan olgan,  
Ko'p millatning orasida dong olgan,  
O'zbeklarning bu jonajon vatani-  
Mehnat, qadoq qo'llaridan yaralgan.

Tog'lari bor, bulutlarga tutashgan,  
Bog'lari bor, qandu novvot ulashgan,  
Alpomishdek mard o'g'lon bor o'zbekda,  
Alp qomatli polvon-la kuch sinashgan.

Bu yurtga kim kelib, kimlar ketmagan,  
Kimlar foyda, kimlar ziyon etmagan,  
Dushmanlari harchand urinsalarda,  
Qul etajak maqsadiga yetmagan.

**Adolat DO'SCHANOVA.**

Har yili bahorni intiq kutaman. Sababi, buvijonim Ziyoda aya kattakon doshqozonda sumalak qaynatadilar. O'sha kuni biz o'n to'rt nafar nabiralari kattalar bilan barobar tonggacha uxlamay, o'yin-kulgu qilamiz, ko'nglimizdagi niyatlarimizni aytib, sumalak kavlaymiz. Ertasi kuni esa buvijonim kosalarga sumalak solib beradilar, biz esa butun mahallaga tarqatamiz. Biz ko'chadan kelguncha buvim hammamizga atab bir kosadan sumalak suzib,

ayrimlarining ichiga tosh solib qo'yadilar. - Qaysi biringizning kosangizdan tosh chiqsa, omad kulib boqadi,-

deydilar kulib. Biz esa apil-tapil sumalak yalab, toshini qidiramiz. Buni qarangi, bu gal omad menga kulib boqdi: sumalakdan tosh topdim. Demak, yil davomida omadim kulib boqarkan.

**Shahnoza OYDINOVA,**  
Alisher Navoiy nomidagi  
Respublika nafis san'at litseyining  
10- «G» tarix sinfi o'quvchisi.



## BUVIJONIM YAXSHILAR

Buvijonim biznikiga tez-tez kelib turadilar. Lekin qish kunlari sovuq bo'lib, yerlar muzlagani uchunmi, kam keladigan bo'lib qolgandilar. Mana, bahor fasli kelib, kunlar ham ancha isib qoldi. Tunov kuni buvijonim qo'llarida bir necha tup

Shu kunlarda buvijonim Dilbar aya Qosimovanning tavallud kunlari yaqinlashyapti. Ularga nima sovg'a qilishni uzoq o'yladim. Nihoyat, ularga atab she'r yozishga ahd qildim. Sovg'am buvijonimga ma'qul

gul ko'chatini ko'tarib kirib keldilar. Aytishlaricha, bahor - yangilanish, yosharish fasli emish. Bu faslda har kim bittadan bo'lsa ham ko'chat o'tkazishi lozim ekan. Shunda qarib qolgan daraxt, gullarning o'rni to'lib boraverar ekan. Buvijonim shunday deya hovlimizga ko'chat ekdilar, biz suv quyib turdik. Uni yaxshilab parvarishlashga so'z berdik.

bo'larmikin-a, siz nima deysiz?

### BUVIJONIM

Buvimni ko'rsam doim,  
Qalbim yorishib ketar.  
Mehrigiyo so'zlari,  
Yuragimni mahf etar.


Buvijonim kulsalar,  
Olam kulganday bo'lar.  
Biznikiga kelsalar,  
Uyimiz nurga to'lar.

Jajji singlim Kamola,  
Uyimizda yagona.  
Qo'llariga suv quyib,  
Yonlarida parvona.

Buvimlar bizni ko'rib,  
Va chaqqon qizni ko'rib,  
Derlar: «Omon bo'lingiz,  
Oydin bo'lsin yo'lingiz».

**Mahmudjon AZIMOV,**  
Shayxontohur tumanidagi  
169 - maktabning  
5- «G» sinf o'quvchisi.

16



Men eshikni berkitib kalit  
Yashirmoqqa urinaman ko'p.  
Kunni tunim o'tar shu taxlit,  
Lek xotijam ko'rinaman xo'p!  
Xayolimda kalitni topib  
Ochsalar-a, deyman, eshikni.  
Men kalitni yashirib, yopib  
Qo'rganman-ku axir teshikni.

Kalit faqat menda emas  
Juda yaxshi bilaman, ammo  
Shu kalitni qo'rish havasi  
Har onimga suqar muammo.

Men baribir eshikni yopib,  
Yashiraman ko'zdan nariga.  
Olishar-ku kalitni topib,-  
Deb qo'l siltay qachon bariga?  
Vujudimda ajib tahlika,  
Xayolimda bekor daxmaza.  
Ishi tushmas qulf-kalitga  
Odamlarga qanchalar mazza!

15

### KULING, OYIJON!

Ko'ngil qushim chog' qilib,  
Kulishingiz chiroyli.  
Uzoq ketsam sog'inib  
Kelishingiz chiroyli.

Katta bo'lmayin qancha,  
Shuncha sizga kichikman.  
Qayga ketsam, qayt deysiz,  
Eson-omon, kechikmay!


Arzir sizni ardoqlab  
Ko'kka ko'tarsam, oyl!  
Farzandingizni olqab,  
El izzat qilsin, doim!

Bizni maqtab odamlar,  
Sizni maqtar, bilasiz.  
Aql-hushli, solih bo'l  
Deb duolar qilasiz.

Jafokash onalarga  
Doim kulgu yarashar.  
O'xshaylik deb ularga  
Havas bilan qarashar.

Quvonchimiz quvnatib  
Kuldirar ko'zingizni.  
Kulib yuring shod etib  
Siz o'g'il-qizingizni.

8



Derazandan kechasi  
Yulduzga qarab yotdim.  
Ko'zim asta yumilsa  
Yulduz kulib uyg'otdi.

Bir ochib bir yumdim men  
Ko'zimni shunda shoshib.  
Yulduz o'rganib oldi  
Hattoki mendan oshib.

Birgalashib tunda biz  
Uzoq xayolga cho'ndik.  
Keyin charchab ikkimiz  
Asta ko'zimiz yumdik.

Uzun xayol uyvuqga  
Meni boshlab ketibdi.  
Shoshib tursam ertalab,  
Yulduz, tashlab ketibdi...

23

### BOLARGA

Siz bor bo'lsangiz,  
Hayot farovon.  
Shirin tashvishdan  
Uylar charog'on.  
Yashaymiz hurram,  
Olg'a intilib.  
Har bir kun ko'rkam  
G'am unutilib.  
Xafaligini  
Oshkora so'ylar,



7

### ASKAR AKAM



Askar akam bor,  
bo'ylari baland.  
Tinchlik bo'lsin deb  
o'y-xayoli band.  
Avtomat ushlab  
tushgan suratini  
ko'rib havasi  
keldi Sur'atning.  
Akamga havas  
qilishsa arzir.  
Qilisami biroq  
sal yomon hazil

Yoki dushmanlar  
qilisami urush  
ular ustiga  
mardona yurish  
qilib shu akam  
tinchlikni tiklar.  
Yomonni quvib  
yoga tik kelar.  
Askar akamning  
maqsaadi aniq.  
Yurtimiz obod,  
Ko'k bo'lsin tinch.

24


### UKAJONIM

Kulcha yuzingdan o'pdim,  
O'pdim do'mboq qo'lingdan.  
Ishlarim juda ko'pdir.  
Sen goldirma yo'limdan.  
Sen «Inga»lab tinmayсан,  
Yo demaysan so'zingni.  
Alla desam ko'tinmayсан,  
Yunagolib ko'zingni.

Ovutib o'tiraman,  
deb yoningda zenikdim.  
Ovunib o'tiraman,  
deb yig'ingdan bezidim.  
Sen go'g'irchoq bo'laqol,  
O'yirchoq bo'laqol sen.  
Men istasam uxlab qol,  
Isasam kulagol, sen.  
Lekin sen o'yirchoqmas,  
Qo'g'irchoq ham emassan.  
Sen o'zinning ukamsan,  
Mendek baxti bekamsan.

30

### OG'RIQ TISH



Haydaralining  
tishi og'ridi,  
Oldirish uni  
ko'p og'ir edi.  
Kecha-kunduzi  
lunjini ushlab,  
Olmay qoldi  
hatto non tishlab.  
Rosa quridi  
tinkasini tish

Toki doktoring  
pankasini tish  
band egunicha,  
undan uzilib,  
Shu singan, qora  
tish deb ezilib,  
Ketgan bolani  
ogoh eiganday.  
Dardning oldini  
Oling deganday...

## QIZGINA


17

Qarashlari beg'ubor,  
Qiziquvchan qizgina,  
Bolalikning baxt izlar,  
Yo'llarida turibsan.

Tiyrak ko'zlarining uqib,  
Olaqisib tezgina,  
Tilsimlarni tilimlab,  
Baxt kalitini va ko'rsin:

Olam juda keng, ammo,  
Bizning kosmos asrda,  
Bor-yo'g'i to'gson minut,  
To'gson minutlik yo'ldir.

Buyuk hamda suyuq bu,  
Ona yerni asrashda,  
Shunday tiyrak ko'z bilan,  
Hamisha sergak bo'lgini!



Seni sevishar, chunki,  
Bobongga nabirasan.  
Otang yuzida kulgu-  
Ota yo'ldan borasan.

Opa, singil, akangning,  
Ukangning ganotisan.  
Bechora, holi tangning,  
Mehrbaaxsh hayotisan.


Ular ham avaylashar,  
Seni ko'rar ko'z kabi.  
Javlon urib sho'x yashar,  
Ilhom berar so'z kabi!

Nabirasan, o'g'lsan,  
Hech kinga  
birovmassan.  
Sen yoshlik, dil  
cho'g'likkan,  
Sochdagi qirovmassan.

Katta umid-orzusan,  
Ulg'ayasan erkin, hur...  
Sen ertangga mavzusan,  
Borligingga tashakkur!

2002-«qiziq yulduz»

## INOJONI!



## KULLING,

Umida ABDUAZIMOVA

ASSALOMU  
ALAYKUM

Hayron bo'imang, katta shaharda,  
Odamlarning toshqini aro,  
Avtolarning shoshqini aro,  
Yelib borayotgan mahalda,  
Duch kelsangiz xitobga bir zum:  
-Assalomu alaykum!

Bu - o'zbekning kalomi erur,  
Ezgu niyat debochasidir,  
Jigaronlik, dil parchasidir,  
Baxtni chorlab, baloni surur,  
Bani Odam zotiga ta'zim:  
-Assalomu alaykum!

## CHUMCHUQCHA

9

Chirgilladi chumchugcha,  
Ola tirnoq tushugcha,

«-Tezroq bahor kelar, deb,  
Buni qushlar bilar, deb,  
Keyin yoz bo'lar!»

«-Yozda yozilamiz biz,  
Bogga tizilamiz biz,  
Halol rizqimiz terib,  
Yasharniz ganot kerib,  
Keyin kuz bo'lar!»

O'zimizning chumchugcha,  
Bizga qadrdon juda,  
Don sochamiz ularga,  
Keng ochamiz ularga  
Quchoq'imizni!

Bizlar bilan gishlagan,  
O'z g'amida ishlagan,  
Jonzotga do'stimiz, xatto,  
Ranjitmaymiz shu mitti  
O'rog'imizni!

## VATAN SO'ZI

9

Maktabga ilk qadam qo'ygandim,  
Qalam tutdi qo'lga muallim.  
Vatan so'zin yozmoq o'rgandim,  
Juda oson yozganim ma'lum.


Besh harfda yozganim-Vatan  
Muhr bo'lib qolgan ongimda.  
Men Vatanni ko'raman bir tan,  
Bir jon bo'lgan oppoq tongimda.  
Tongni kutib yashab o'tganlar,  
Vatanni hur, ozod etishgan.

Maqsad deb chang, g'ubor yutganlar,  
Sog'lom avlod shod deb ketishgan.  
Shodlanaman istiqoldan barq  
urgan Vatan kamolidan men.  
Ma'naviyat beshigi bu - Sharq,  
Tinch-totuvlik a'molidan men.

Bu quvonchni saqlab qolish-chun,  
Kurashaman erta-kech sergak.  
Vorib bo'lmoq uchun oy Barchin,  
Alpomishlar bu yurtga kerak!

## SIZLARNING TELEVIZOR

22



Bobomlar juda zo'r-da,  
Kecha televizorda

Ko'rsatishdi maqtashib,  
Zo'r cho'pon deb atashib!  
Har qo'ydan besh qo'zichoq  
Olimoq hazil ish emas.

-Chindan ham zo'r, bobongni  
Hech kishi qo'rqqoq demas.  
Lekin lofni qotirding,  
O'zim ham ko'rib, bildim:

Har qo'ydan ikki qo'zi  
Olganin havas qildim!

-Gapim rost, mening bobom  
Hamma cho'ponlardan zo'r.  
Balki shunday degandir  
Sizlarning televizor...

## ARCHA

25

O'rmondan kelgan kuyi,  
Yasanibsan kun bo'yi.  
Shoxlaringda o'yinchoq,  
Ming chiroqli ko'zmunchoq.  
Izzatingni qildik biz,  
Mezbonlikni bildik biz.

Gurkiradig barq urib,  
Xush bo'yingni ufurib.  
Bayram bayramdek o'tdi,  
Bizga hayrondek o'tdi.

Goh keng, goho tor bag'ir,  
Bizlar odammiz axir.  
Yangi yilga so'zim bor,  
Archa'onga to'zim ber.

Archa, archa, archajon,  
Shoxlaringda ming marjon.  
Senga kelgan boltaga  
Boshim qiy, qo'y beray jon.

29

## SIZ URUSHDA BO'LGANSIZ, BOBO

Siz urushda bo'lgansiz, bobo,  
Umingizni garovga qo'yib,  
O'q yomg'iri aro siz, tavba,  
Yashagansiz umidlar tuyib.

Qon rangida oqganda suvlar,  
Yig'ilgansiz kechib ularni.  
Lek bilgansiz shuncha g'uluvlar,  
Aro ko'ngil ochib kularni.

Ko'ksingizda portaydi yulduz,  
Yaproq kabi tirrar medallar.  
Uyqusirab ba'zida kunduz,  
Tushlaringiz yo'qqa elarlar...

Siz urushni unutmassiz,  
Unutilmas bevaqt ketganlar.  
Osmonimda titragan o'ysiz,  
Yulduzlari shahid ketganlar.

Urush nima, bilasiz bobo,  
Unutmassiz qora kunlarni.  
Ko'nglingizda bir yara, tavba  
Kechirib kun ora kunlarni...

2

## QANDAY KUN?

Oltin rang yaproqlar chaladi garsak,  
Oltin rang quyosh ham boqadi kulib.  
Oltin rang hislardan jo'shadi yurak,  
Shabnamga yuz chayib so'rayman to'lib:  
Bugun qanday kun?

Oltin rang olma-yu anjir, xusayni,  
Oltin rang kuzimiz ne'matlari bu.  
Anor ham pishibdi, nokdan uzaymi,  
Dilimni erkalar bir shirin tuyg'u,  
-Bugun qanday kun?

Paxtalar ochilgan, durlar sochilgan  
Oq oydin yo'llardan yurib boraman.  
Ona Yer tugunin bandi yechilgan,  
Katta to'y orzusin surib boraman,  
-Bugun qanday kun?

Odamlar shoshadi, toshadi hislar,  
Ko'chani to'ldirib qo'shiq oqadi.  
Qomatlar tik endi, buklimas tizlar,  
Shu 'lavor orzular qanot qoqadi,-  
Bugun qanday kun?

5


## QUSHLARGA OZODLIK

Hey do'stim Aziz,  
Tezroq pastga tush.  
Tutib oldim men  
bir chiroyli qush.

-Tuzoqqa tushgan  
Qush sayramas-ku.  
Qush bo'lib bunday  
bir yayramas-ku.

Biznikiga chiq,  
Shu qushing bilan.  
Oynamiz ochiq,  
Uyimiz baland.

Qushni uchirib,  
Rahmat olarniz.  
Unga ozodlik  
Tilab qolarniz.



26

## MUVOZANAT

Dengizdagi jami baliqlar,  
Yigirma ming turfa qitqlar  
O'zicha shox, o'zicha quldir.

Quruqlikda yashar hayvonlar,  
Qo'ng'ir shox, butoq, sayhonlar  
Yemishi o'ti, tikan yo'guldri.

Baland ko'kda surgan bulutlar,  
Ba'zan shovqin, ba'zan sukutlar  
Bir-birini yashar to'ldirib.

Lek barisi yurar g'o'rman deb...  
Osmonga tosh otib zo'rman deb  
Sen o'zingni qo'yman o'ldirib!

Sen o'lsang ham yashar hammasi,  
Senziz ham xalq, bashar, hammasi,  
Quyosh kulib oy to'lar sensiz.

Yuraklarni g'ashlab sensiz g'am,  
Yig'ilgan dili yashab sensiz ham,  
Yoshga to'lgan ko'z kular sensiz...

18

## DO'STING

Do'sting mingta bo'lsa ham ozu  
Dushman bitta bo'lsa ham ko'pdir.  
Ko'hna hayot ko'hligu sozu  
Turnaqator tilsimi to'pdir.

Tilsimlarning kalitin izlab  
Yasharkansan o'zingdan kechib,  
Goho hatto dushmani sizlab  
Yashaysan rost so'zingdan kechib.

Shirin so'zdan dushman do'st bo'lib  
Qilich kirar bo'lsa qiniga.  
Cho'p suqmagin sen o'yin qilib  
Hatto chumolining uyiga.

Yer yuzidan yo'qolsa qirg'in  
O'z'og'ida qovrilar ilon.  
G'animlarning izini qirbqin,  
Ozod elda urmoq-chun javlon!

13

## KATTA ORZU-UMIDSAN

Sen o'g'ilsan - otangga,  
Buvangga nabirasan.  
Sodiq bo'lib akangga,  
Yigit bo'lib borasan.

Tez o'suvchan bolasan,  
Hur zamonga mos tushgan.  
Biroz o'ychan bolasan,  
Kitob bilan do'stlashgan.

Bilasan, tinchlik istab  
Buvang jangga kirganin.  
Xotirjam kunni qistab  
Otang yelib yurganin.

Buvijoning tilida,  
Bir kalima, bir duo:  
-Rahmon yursin dilida,  
Shaytonlar bo'lsin ado!

Shaytonlar bo'lsin ado!  
Kochig'iga solg'ay qutqu  
Neki bo'lsa yo'qolsin!  
Zurriyotim usti butun  
Qorni doim to'p bo'lsin!..

10

## TONG YULDUZI

«Tong yulduzi», «Tong yulduzi»,  
Bizning bobo gazetamiz,  
Aql ko'zi, ong yulduzi,  
Bizning dono gazetamiz.

Sen do'st bo'lding ilm uqqan,  
Ishchi-dehqon, boy-bekka ham.  
Senda ilk bor she'ri chiqqan,  
G'afur G'ulom, Oybekka ham!

Bir-bir o'qib sahifangni,  
Sir ham aytdik qulog'ingga.  
Sevib bordik ilm-fanni,  
Aylandik chin o'rtog'ingga.

Har yil senga yozilamiz,  
O'zimizga do'st bilamiz.  
So'zimizga ko'z qilamiz,  
Ko'nglimizni yoz qilamiz.

«Tong yulduzi», «Tong yulduzi»,  
Yorit kecha-kunduzimiz.  
«Tong yulduzi», «Tong yulduzi»,  
Bizning umr yulduzimiz.

12

## QIHS, QO

Kim epchilu kim chaqqon,  
Qanday qayerda, nega?  
Kimdan kim g'olib chiqqan,  
Sovg'aga bo'lgan ega?..

Sovg'aning bahosi yo'yo'q,  
Omading kulib bobosin.  
Ko'zlaringda porlab cho'g',  
Nasibang to'lib obo'sin!

O'rimchakdek o'r mala,  
Bedanadek yo'rg'ala,  
G'alabaga harakat  
Qilganlarda barakat!

Bu dunyo o'tar-ketar,  
Noming bolsin omonda.  
Har kim niyatga yetar  
Kuch sinashib maydonda.

O'rimchakdek o'r mala,  
Bedanadek yo'rg'ala,  
G'alabaga harakat  
Qilganlarga barakat!



28 **GULBAHOR**

Momiq to'nin yechganda olam,  
Orziqqanda epkindan dalam,  
Yaproq yoysa qir guli-lolam,  
Shu emasmi o'zi gulbahor?

Dimog'larda anqir xushbo'y is,  
Ko'kka o'riar qo'shib bo'y yalpiz,  
Navolanar shoxlab har sabz,  
Shu emasmi o'zi gulbahor?

Gulni qilib raqsga taklif,  
Tebrantirib har dilni latif,  
Ahvol so'rar kapalak tabib,  
Shu emasmi o'zi gulbahor?

Ona yer qon tomiri soylar  
Qayga chopar, daraxtlar poylar.  
Mo'jizali kun, hafta, oylar,  
Shu emasmi o'zi gulbahor?

19 **TUT**

Tunda nima deb chiqding,  
Qari tut?  
Yo sovuq yeb junjiking,  
G'arib, tut?

Yoningda tomir oltan  
Shoxlaring,  
Senga shivirlab yotgan  
Chog'lari.

Vujudingda ilqilik  
Yungan payt  
Tunda nima deb chiqding,  
O'zing ayt...

«-Yonimda tomir oltan  
Shoxlarim,  
Shivirlab chiqdim: - «Tezroq  
Tut bag'rim»...

3 **MO,JIZA**

Mo'jizani yo'q degan  
Bolaga gapim lo'nda:  
-Nega qizarib qoldi  
Olchamiz unda?

Kechqurun boqqa chiqsak,  
Qop-qorong'u bog'imiz.

-Nimaga o'chib qoldi  
Shamchirog'imiz?

Ko'kka boqdi ko'zimiz,  
Charaqladi yulduz - oy.

Ko'nikib qorong'uga  
Ko'rindi har joy.

Nimaga degan savol  
O'rab har yonni.

O'rtoq qilib oldik so'ng  
Mo'jizajonni.

Mo'jizaga ishonar,

Bahorni kutib yashar.

Odamlar omon bo'lsin,

Gullab yashnasin bashar!

11 **SALOM HAYOT!**

Hayotimda asl imtihon,  
Vujudimda intilish, imkon,  
Sendan ilm qidirдим butun,  
Maktab, seni biridim buguni!

O'n yettida yoshingam hozir,  
Hayot endi emas uncha sir.

Qayda bo'lmay, men seni maqtab,  
Ko'p minnatdor yurarmam, maktab!

Hayot kitobidan siz tinmay,  
Dars berdingiz hech bir erimay.

Rahmat sizga aziz ustozlar,  
Pok dil sizni mangu e'zozlar!

Ochilmagan ko'zlar ochilgan,  
Yo'llarimga gullar sochilgan,

U gullarning bo'yari ko'hna,  
O'yinlari, kuyilari ko'hna!

Har bir yurak yangilar ishqni,  
Kechirib yoz, bahorni, qishni.

Ustozlarim sabog'in olib,  
Yasharman bu yo'llarda g'olib.

20 **MARRHABO**

Marrhabo, marrhabo Qor qizi,  
Kel pastlab narah-navo, Qor qizi!  
Kelaver, kelaver, tashrifing  
Nonnu tuz-qahrabo, Qor qizi!

Hush kelding, xush kelding Qorbobo,  
Sahovat, ziyinatga yor bobo!

Umiddar ro'yobda, toshni ham  
Yorgudek giyohlar bor, bobo!

Qish qattiq kelsa ham qo'rqmaymiz,  
Kuzimiz hamisha ne'matli.

Sababi Barcindek zo'r qizimiz,  
Yigitimiz Alpomish kelbati.

Qo'rqamiz hattoki bir zumnga  
O'zaro yovlashib yashashdan.

Kelishmay goh yerga, goh suvga,  
Goh ko'kka qadamlar tashlashdan.

Assalom yangi yil, yaxshi yil,  
Odamga tinchlikda taom ber.

Ko'z qo'rib, qorachiq, tasdiq qili,  
Olamga samimiy kalom ber!

4 **ISTASAM**

Derazamning oldida bir daraxt bor,  
Yozda yoziq, qishda esa karaxt bor.  
Qushlar unda bola ochar bahorda,  
Ham qo'shiq, ham nola ochar bahorda.

Posbon bo'lib turar daraxt ularga,  
Shoshilmaydi bo'y-basti-la qularga.  
Ammo unda emas hamma gap, pudrat,  
Derazamning oldida bor bir surat.

Istasam men uni yirtib tashlayman,  
Yoki chaplab bo'yoq surtib tashlayman.  
Daraxt esa oddiygina daraxt u,  
Yozda yoziq, qishda esa karaxt u.

Men shunaga daraxtga ham, qushga ham,  
Quyoshli yoz, qopqopqorli qishga ham,  
O'z ta'sirim o'tkazar bir odamman,  
Mangu jumboq, sehrli-sir odamman...

27 **1 SENTABR**

1 sentabr  
Juda ulug' kun,  
Quësh nuriga  
Lim-lim to'luq kun.

Katta harfda  
Yozilar abad.  
Surati zarli  
chizilar albat.

1 Sentabr  
Ko'kda balqan oy.  
Yashar avlodlar  
Baxtli, sog'lom, boy.

1 Sentabr,  
Aytib, baxtli kun?  
Istiqbol bergan  
O'z qon tongday kun!

Suratdagi tengdoshlaringizning chehralariga boqib, g'alaba nashidasini surishayotganini darhol fahmlagandirsiz-a? Juda to'g'ri topdingiz. Bu bolalar Toshkent shahar bo'yicha o'smirlar orasida o'tkazilgan futbol musobaqalarida ishtirok etib, 445 jamoaning ichida sovrinli 2-o'rinni egallashdi. Murabbiylari, ota-onalari, qolaversa, Shokir aka Omonovning ham ishonchini oqlashdi. Darvoqe, Shokir akani sizlarga tanishtirmabmanu.

Shokir aka shu bolalar yashaydigan tumanidagi «Bog' ko'cha» mahallasining oqsoqoli. Mahalladagi bolalarni bir yerga jamlab, oilaviy sport musobaqalari, bellashuvlar, qiziqarli uchrashuvlar uyushtirayotgan, bir so'z bilan aytganda, bu go'shadagi barcha xayrli ishlarga bosh-qosh bo'layotgan insondirlar. Umrlarini faqat ezgulikka, yaxshilikka bag'ishlab kelayotgan otaxon hozir 65 yoshdalar. Mahallada 2846 xonadon bo'lsa, barisining quvonchu tashvishlariga sheriklar. Ayniqsa, 217 ta kam ta'minlangan oilalar oqsoqolning nazaridan chetda qolmaydi. Mahalla qo'mitasi nomidan 40 oilaning farzandlariga 67 ming so'mlik o'quv qurollari sovg'a qilindi. 29 oilaga moddiy yordam ko'rsatildi. Mahalladagi 34-bolalar bog'chasi kichintoylari uchun 50 ming so'm pul ajratildi. To'rt oilaning 4-5 yoshli o'g'illariga xatna to'yi qilib berishganda ota-onalarining sevinchini bir ko'rsangiz edi.

Bayram va tantanalar munosabati bilan berilayotgan yordam pullari, bolajonlarga teatr va sirk tomoshalari uchun ajratilayotgan bepul chiptalarni-ku aytmasa ham bo'ladi.

- «Bir bolaga yetti qo'shni ota-ona» deb xo'p topib aytilgan naql bor xalqimizda. Shunday ekan, ko'chamizdagi har bir o'g'il-qiz mening bolamdir,-deydilar otaxon biz bilan

**XAMJIHATLIKDA GAP**

suhbatda. -Ular xalqimizning munosib farzandlari bo'lib kamol topishlari uchun biz ham mas'ulmiz, albatta. Mahallamiz bolalarini bo'sh vaqtlarini unumli o'tkazishlari uchun harakat qilyapmiz. 9-16 yoshli bolalardan tuzilgan futbol jamoamiz tuman, shahar miqyosidagi musobaqalarda qatnashib, sovrinli o'rinlarni egallagan bo'lsa, bir qizimiz shashka bo'yicha shahar miqyosidagi



musobaqada ishtirok etib, 1-o'rinni olib qaytdi. Qizlarimizni kelgusi hayotga tayyorlash maqsadida nuroniy onaxonlarimiz bilan uchrashuvlar tashkil qilayotganimiz ham ijobiy samara beryapti.

**Qadr**  
«Qariyalarni qadrlash yili» deb e'lon qilingan mazkur yilimizda ham rejalashtirgan ishlarimiz talaygina. Hamjihatlilikda hikmat ko'p, deyishadi. Biror tadbir bo'ladimi, hasharmi, mahallamizning katta-yu kichigi hamjihatlilik bilan kirishadilar. Demak, mahallamizning bundan-da obod bo'lishiga umid qilsak bo'ladi...

Darhaqiqat, Shokir otaning gaplarida jon bor. Tarbiyachi bo'lib ishlab, endilikda qarilik gashtini surayotgan turmush o'rtoqlari bilan birgalikda to'rt qiz, bir o'g'ilni voyaga yetkazdilar. Endilikda esa 9 nafar nabiralari qatorida mahalla bolalarini ham hamjihatlilikda tarbiyalab kelishyapti.

Otaxonning so'zlarini tinglar

ekanman, bolalar tarbiyasiga, demakki, kelajagimizga befarq bo'lmagan bunday insonlar bor bo'lsinlar, degim keldi.

Nasiba TURDIQULOVA,  
Sirg'ali tumanidagi  
322 - maktab o'qituvchisi.

## KECHIRING...



Maktab yillari inson hayotidagi bir umr yodda saqlanib qoluvchi eng go'zal damlardir. Albatta, bu damlarning qadriga yetmog'imiz, uni kech bo'lmasidan avval qadrlashimiz kerak. Ana shundagina, bir kun kelib maktab yillari-yu o'quvchilik damlarini eslaganda, xotiraga faqat eng go'zal damlar keladi.

Agar bilib-bilmay ustozingizni, eng yaqin do'stingizni, yohud sinfdoshingizni ranjitgan, ko'ngliga ozor yetkazgan bo'lsangiz, ulardan uzr so'rang.

Darsingizga goho quloq osmagan,  
Uy ishini o'z vaqtida yozmagan,  
Egilgan boshni qilich kesmagay,  
Men o'quvchingizni kechiring, ustoz.

Kitob, daftar, qalamlarni yashirgan,  
Qalpoq, sumka -  
barin bir-bir oshirgan,  
O'qituvchiga yomonlashda toshirgan,  
Sen ham meni kechir, aziz sinfdosh.

Vaqt kelganda tarafing ololmagan,  
Chorlasang, yoningga borolmagan,  
Lekin, sendek aziz do'st

topolmagan,  
Do'stim meni kechir, kechir, iltimos...

Aziz o'quvchilar! Agar o'z xatolaringizni tushunib, uzr so'ramoqchi bo'lsangiz, bizga maktab yozing. Sevimli gazetangiz «Tong yulduzi» sizga yordam beradi.

Ma'suda ABDUQODIR qizi.

## Taklifnoma

hududlarida bo'lib, ko'p minglab tomoshabinlar olqishiga sazovor bo'ldi. Undan tashqari, Markaziy

«Mulzam», Yorqinning «Ota faryodi» va «Onaizor» asarlari ijro etib kelinmoqda. Ayni

## DAVR BILAN HADIMNATJAS

Osiyo davlatlari bo'lmish Qirg'iziston Respublikasining O'sh, Jalolobod, Qozog'iston Respublikasining Sayram, Chimkent, Turkiston, Turkmaniston Respublikasining Toshovuz, Chorjoy, Tojikiston Respublikasining Xo'jand viloyatlarida o'z dasturlarini namoyish qildi. Vaqt o'tgan sari teatr repertuari shakllanib bordi. Dramaturg T. Akbarxo'jayevning «To'y o'rniga tomosha», G'. G'ulomning «Shum bola maktabda», Elbek Musayevning



kunlarda I. Karimovning «Hushyorlikka da'vat» asari asosida yaratilgan «Vatan qismati mening qismatim» mavzusidagi suhbat tomoshasi keng jamoatchilik fikrini o'ziga qaratmoqda. Undan tashqari jamoa milliy istiqloq g'oyasi asari asosida «O'zligingni unutma» suhbat tomoshasi hamda Yorqinning «Emirat fojiasi» asari ustida ish olib bormoqdalar.

Jamoa ayni paytda Toshkent shahar, Sobir Rahimov tumanidagi «Yoshlik» talabalar shaharchasi hokimiyatida faoliyat

ko'rsatib kelmoqda. «Yoshlik» talabalar shaharchasida an'anaviy tus olgan «Juma oqshomi» kunlarida faol qatnashib kelmoqda. Teatr davr bilan hamnafas bo'lmog'i darkor. Shu bois, referendum kunlari teatr jamoasi «Tashrif» nomli kichik pyesa bilan maktab sahnalarida bo'lib, samimiy olqishlarga sazovor bo'lishmoqda.

«Turon» bilan uchrashmoqchi bo'lsangiz, «Tong yulduzi»ga xat yozing. Tezda «Turon»chilar jurnalist opalaringiz bilan maktabingizga tashrif buyurishadi. Ma'naviy ozuqa inson shakli shamoyilida muhim o'rin tutadi.

Ravshan YORIYEV,  
teatrning direktori -  
badiiy rahbari.

Respublika «Turon» yoshlar teatr studiyasi 1999 yil 21 fevralda Kattaqo'rg'on shahar Abdulhamid Majidiy nomli teatr qoshida tashkil topib, Samarqand viloyatining 18 ta shahar va tumanlarida o'z tajribasini sinab ko'rib, spektakllarini xayriya sifatida namoyish qilgan. Tajriba muvaffaqiyatli o'tgach, O'zbekiston Madaniyat vazirligi, O'zbekiston teatr ijodiy ishlab chiqarish birlashmasi hamda Toshkent viloyat Toshkent tumani hokimining qaroriga asosan Respublika «Turon» yoshlar teatr studiyasi nomi berildi. Qisqa faoliyat ichida teatr Buxoro, Navoiy, Samarqand, Sirdaryo, Qashqadaryo, Andijon, Toshkent viloyati, Toshkent shahri, Qoraqalpog'iston respublikasi


## O'ZBEGIM

Ko'ksiga qo'lin qo'yib,  
Salom bergan o'zbekim.  
Hammaga shirin so'zu  
Kalom bergan o'zbekim.

O'z tinchligi, erkini,  
Qo'lga olgan o'zbekim.  
Ajdodlari ruhiga,  
Sodiq qolgan o'zbekim.

Mehnati, mehri bilan,  
Bog' yaratgan o'zbekim.  
Quyoshi boshi uzra,  
Nur taratgan o'zbekim.

*Madina AKBAROVA,  
Farg'ona viloyati, Quva  
tumanidagi 44 - maktabning  
8 - «V» sinf o'quvchisi.*




## QOQIGUL

Oltin rangli qoqigul,  
Chiroyli edi, ko'rkam.  
Pisand qilmasdi hatto,  
Kuchli shamollarni ham.

Oltin rangli qoqigul,  
Qarib qoldi, u behol.  
O'tirardi munkillab,  
Uchirib ketdi shamol.

*Ruschadan Toshkentdagi  
249 - maktabning  
8 - sinf o'quvchisi  
Nargiza JALILOVA  
tarjimasi.*



## USTOZLARIMG'A

Bilim nurin sochdingiz,  
Dil sandig'in ochdingiz.  
G'uncha edim, gul bo'ldim,  
Sayroqi bulbul bo'ldim.

*Dilafro'z USMONOVA,  
G'afur G'ulom nomli  
169-maktabning  
5- «V» sinf o'quvchisi.*

## BAHOR

O'tdi qishning zamoni,  
Qora qarg'a, yo'ldan qoch!  
Qanotida bahorni,  
Olib keldi qaldirg'och.


Kumush qish ortda qolib,  
Zumrad bahorim keldi.  
Peshonamni siypalab,  
Mayin shamolim yeldi.

Ortda qoldi izg'irin,  
Chuldir-chumak yaxmalak.  
Quyoshda jilvalanar,  
Ko'kada rangin kamalak.

*Abdulaziz  
MAMADALIYEV,  
Andijon viloyati,  
Baliqchi tumani,  
CHo'nqayma qishlog'i.*

## OLMAXON

Sariq tusli olmaxon,  
Archada qildi makon.  
Qo'ziqoriga xo'p to'ydi,  
Siz ham oling, -deb qo'ydi.




## O'RDAKMAN

Men o'rdakman, men o'rdak,  
Bo'lay sizlarga o'rtoq.  
Kezaman ko'l, ariqni,  
Tutib chivin, baliqni.


*Munira NAZAROVA,  
Samarqand viloyati,  
Pastdarg'om tumanidagi  
24- maktabning 7- «V» sinf  
o'quvchisi.*

*Dizning to'garak*



## YANGI ASR ERTAGI

Kunlarning birida Klayd ismli chet ellik badavlat janob ana shu yurtga tashrif buyuribdi. Samolyotdan tushgan zahoti atlas ko'yilagu buxorocha zardo'z nimchalar kiyib olgan



qizlar nonu tuz bilan qarshi olishibdi. Karnay-sumay sadolari yangrabdi. Klayd janoblari tarjimondan o'zbeklar mehmonni ana shunday kutib

olishlarini eshitib, hayrati yanada oshibdi. U juda ko'p mamlakatlarda bo'lgan, lekin bunday ajib yurtni, o'ng qo'li hamisha ko'ksida turuvchi xalqni hecham ko'rmagan ekan. Besh kunga kelgan mehmon, bir oy qolib ketibdi. Umr bo'yi yiqqan sarmoyasini shu yurt hisobiga o'tkazishga, o'zi ham shu yurtda yashab qolishga ahd qilibdi. Chunki uni ota-bobolarining kindik qoni to'kilgan yurt o'ziga tortgan ekan-da! Cababi, XX asr boshida uning bobolari yangi makon izlab chet ellarga ketishga majbur bo'lgan ekanlar. Ularning o'z vatanini tashlab ketishlari sababini siz ham bobo-yu momolaringizdan so'rab, bilib oling.

*Buvisining ertagini  
oqqa ko'chiruvchi  
Gulruh YO'LDOSHEVA,  
Navoiy viloyati,  
Xatirchi tumanidagi  
54 - maktab o'quvchisi.*

## NAVROZ CHAYNVORDI

1. Navro'z taomi. 2. Yosh nihol. 3. Ertapishar xo'l meva. 4. Sersoya daraxt. 5. Yovvoyi hamda o'suvchi bahor guli. 6. Ko'klam darakchisi, qush. 7. Iik bahor chechagi. 8. G'alla ekini. 9. Hamalning belgisi. 10. Sug'orilmaydigan dehqonchilik. 11. Navro'z taom ko'kati. 12. Uzun ingichka bargli giyoh. 13. Issiqlik va harorat manbai. 14. Gulidan shifobaxsh taom pishiriladigan xo'l meva. 15. O'simlik a'zosi. 16. Tola va yog' olinadigan texnika ekini. 17. Bandi nordon o'simlik. 18. Bolalarning bahorgi o'yini. 19. Koinotda ro'y beradigan rango-rang hodisa. 20. O'ram xolidagi sabzavot. 21. Sharqona Navro'z bayrami kunidan boshlanuvchi yil hisobi. 22. Uzun oyoq ko'chmanchi yirik qush. 23. Gul shaydosi, hashorat. 24. Navro'z sayillarida o'tkaziladigan milliy sport musobaqasi. 25. Quyosh botgan payt. 26. Insoniy rahmdillik, muhabbat. 27. Bo'yoq, modda, tus. 28. Ertapishar xo'l meva.

*Tengdoshingiz Kamola ORIPOVA tuzdi.*

O'zbekiston bolalari  
va o'smirlarining  
gazetasi

Muassislar:  
O'ZBEKISTON  
RESPUBLIKASI  
DAVLAT MATBUOT  
QO'MITASI,  
O'ZBEKISTON  
RESPUBLIKASI  
XALQ TA'LIMI  
VAZIRLIGI,  
«KAMOLOT»  
YOSHLAR  
IJTIMOIY  
HARAKATI,  
«SOG'LOM AVLOD  
UCHUN» XAYRIYA  
JAMG'ARMASI

BOSH MUHARRIR:  
Umida ABDUAZIMOVA  
TAHRIR HAY'ATI:  
Shuhrat AHMEDOV,  
Jamoliddin FOZILOV,  
Oynisa  
MUSURMONOVA,  
Qahramon  
QURONBOYEV,  
Feruza JALILOVA  
(Bosh muharrir  
o'rinbosari),  
Po'lat MO'MIN,  
Mukarrama  
MURODOVA,  
Tohir MULLABOYEV,  
Ergashvov SARIQOV.

Noshir  
«Ijod dunyosi»  
nashriyot uyi.

Gazeta «Ijod dunyosi»  
nashriyot uyi kompyuter  
bo'limida terib  
sahifalandi.

Hajmi A-3, 2 bosma  
taboq.

«Sharq» nashriyot-  
matbaa aksiyadorlik  
kompaniyasida 46.291  
nuxsada ofset usulida  
bosildi.

Korxonamanzili:  
«Buyuk Turon»  
ko'chasi, 41.  
Buyurtma № T-267  
Gazetani  
Muhabbat  
MAXSUDOVA  
sahifaladi.  
Navbatchi:  
Muharrama  
PIRMATOVA

Ro'yxatdan o'tish  
tartibi № 000137  
Manzilimiz: 700129,  
Toshkent shahri,  
Navoiy ko'chasi,  
30-uy.

Tel: 144-62-34.  
144-63-08